


新譯

二

萃嚴經卷第八

古



拱

47881

大方廣佛華嚴經卷第八

于闐國三藏沙門實又難陀譯



華藏世界品第五之一

一切經南都...

孫仁

尔時普賢菩薩復告大衆言諸佛子此華藏  
莊嚴世界海是毗盧遮那如來往昔於世界  
海微塵數劫修菩薩行時一一劫中親近出



4788/

大方廣佛華嚴經卷第八

拱八

于闐國三藏沙門實叉難陀譯

華藏世界品第五之一

孫仁

爾時普賢菩薩復告大眾言諸佛子此華藏莊嚴世界海是毗盧遮那如來往昔於世界海微塵數劫修菩薩行時一一劫中親近世



界海微塵數佛一一佛所淨修世界海微塵  
數大願之所嚴淨諸佛子此華藏莊嚴世界  
海有須彌山微塵數風輪所持其最下風輪  
名平等住能持其上一切寶燄熾然莊嚴次上  
風輪名出生種種寶莊嚴能持其上淨光照  
耀摩尼王幢次上風輪名寶威德能持其上  
一切寶鈴次上風輪名平等燄能持其上日  
光明相摩尼王輪次上風輪名種種普莊嚴  
能持其上光明輪華次上風輪名普清淨能  
持其上一切華燄師子座次上風輪名聲徧  
十方能持其上一切珠王幢次上風輪名一  
切寶光明能持其上一切摩尼王樹華次上



風輪名速疾普持能持其上一切香摩尼須  
彌雲次上風輪各種種種宮殿遊行能持其上  
一切寶色香臺雲諸佛子彼須彌山微塵數  
風輪最在上者名殊勝威光藏能持普光摩  
尼莊嚴香水海此香水海有大蓮華各種種  
光明藥香幢華藏莊嚴世界海住在其中四  
方均平清淨堅固金剛輪山周而圍繞地海  
衆樹各有區別是時普賢菩薩欲重宣其義  
承佛神力觀察十方即說頌言

世尊往昔於諸有微塵佛所修淨業  
故獲種種寶光明華藏莊嚴世界海  
廣大悲雲徧一切捨身無量等剎塵

以昔劫海修行力

今此世界無諸垢

放大光明徧住空

風力所持無動搖

佛藏摩尼普嚴飾

如來願力令清淨

普散摩尼妙藏華

以昔願力空中住

種種堅固莊嚴海

光雲垂布滿十方

諸摩尼中菩薩雲

普詣十方光熾然

光燄成輪妙華飾

法界周流靡不徧

一切寶中放淨光

其光普照衆生海

十方國土皆周徧

咸令出苦向菩提

寶中佛數等衆生

從其毛孔出化形

梵主帝釋輪王等

一切衆生及諸佛

化現光明等法界

光中演說諸佛名



種種方便示調伏

普應群心無不盡

華藏世界所有塵

一一塵中見法界

寶光現佛如雲集

此是如來刹自在

廣大願雲周法界

於一切劫化群生

普賢智地行悉成

所有莊嚴從此出

今時普賢菩薩復告大眾言諸佛子此華藏

莊嚴世界海大輪圍山住日珠王蓮華之上

栴檀摩尼以為其身威德寶王以為其峯妙

香摩尼而作其輪燄藏金剛所共成立一切

香水流注其間眾寶為林妙華開敷香草布

地明珠間飾種種香華處處盈滿摩尼為網

周帀垂覆如是等有世界海微塵數眾妙莊



嚴尔時普賢菩薩欲重宣其義承佛神力觀  
察十方而說偈言

世界大海無有邊

寶輪清淨種種色

所有莊嚴盡奇妙

此由如來神力起

摩尼寶輪妙香輪

及以真珠燈燄輪

種種妙寶為嚴飾

清淨輪圍所安住

堅固摩尼以為藏

閻浮檀金作嚴飾

舒光發燄徧十方

內外映徹皆清淨

金剛摩尼所集成

復雨摩尼諸妙寶

其實精奇非一種

放淨光明普嚴麗

香水分流無量色

散諸華寶及栴檀

眾蓮競發如衣布

玓草羅生悉芬馥

無量寶樹普莊嚴

共

開華發藥色熾然

種種名衣在其內

光雲四照常圓滿

無量無邊大菩薩

執蓋焚香充法界

悉發一切妙音聲

普轉如來正法輪

諸摩尼樹寶未成

一一寶末現光明

毗盧遮那清淨身

悉入其中普令見

諸莊嚴中現佛身

無邊色相無央數

悉往十方無不徧

所化衆生亦無限

一切莊嚴出妙音

演說如來本願輪

十方所有淨刹海

佛自在力咸令徧

今時普賢菩薩復告大衆言諸佛子此世界

海大輪圍山內所有大地一切皆以金剛所



成堅固莊嚴不可沮壞清淨平坦無有高下  
摩尼爲輪衆寶爲藏一切衆生種種形狀諸  
摩尼寶以爲間錯散衆寶末布以蓮華香藏  
摩尼分置其間諸莊嚴具充徧如雲三世一  
切諸佛國土所有莊嚴而爲校飾摩尼妙寶  
以爲其網普現如來所有境界如天帝網於  
中布列諸佛子此世界海地有如是等世界  
海微塵數莊嚴尔時普賢菩薩欲重宣其義  
承佛神力觀察十方而說頌言

其地平坦極清淨

安住堅固無能壞

摩尼處處以爲嚴

衆寶於中相間錯

金剛爲地甚可悅

寶輪寶網具莊嚴



蓮華布上皆圓滿

妙衣彌覆悉周徧

菩薩天冠寶瓔珞

悉布其地為嚴好

栴檀摩尼普散中

咸舒離垢妙光明

寶華發燄出妙光

光燄如雲照一切

散此妙華及眾寶

普覆於地為嚴飾

密雲興布滿十方

廣大光明無有盡

普至十方一切土

演說如來甘露法

一切佛願摩尼內

普現無邊廣大劫

最勝智者昔所行

於此寶中無不見

其地所有摩尼寶

一切佛刹咸來入

彼諸佛刹一一塵

一切國土亦入中

妙寶莊嚴華藏界

菩薩遊行徧十方

演說大士諸弘願

此是道場自在力

摩尼妙寶莊嚴地

放淨光明備眾飾

充滿法界等虛空

佛力自然如是現

諸有修治普賢願

入佛境界大智人

能知於此刹海中

如是一切諸神變

介時普賢菩薩復告大眾言諸佛子此世界

海大地中有不可說佛刹微塵數香水海一

切妙寶莊嚴其底妙香摩尼莊嚴其岸毗盧

遮那摩尼寶王以為其網香水映徹具眾寶

色充滿其中種種寶華旋布其上栴檀細末

澄迺其下演佛言音放寶光明無邊菩薩持

種種蓋現神通力一切世界所有莊嚴悉於



中現十寶階陛行列分布十寶欄楯周而圍  
繞四天下微塵數一切寶莊嚴芬陀利華敷  
榮水中不可說百千億那由他數十寶尸羅  
幢恒河沙數一切寶衣鈴網幢恒河沙數無  
邊色相寶華樓閣百千億那由他數十寶蓮  
華城四天下微塵數衆寶樹林寶燄摩尼以  
爲其網恒河沙數栴檀香諸佛言音光燄摩  
尼不可說百千億那由他數衆寶垣墻悉共  
圍繞周徧嚴飾尔時普賢菩薩欲重宣其義  
承佛神力觀察十方而說頌言

此世界中大地上 有香水海摩尼嚴  
清淨妙寶布其底 安住金剛不可壞



香藏摩尼積成岸

日燄珠輪布若雲

蓮華妙寶為瓔珞

處處莊嚴淨無垢

香水澄渟具衆色

寶華旋布放光明

普震音聲聞遠近

以佛威神演妙法

階陛莊嚴具衆寶

復以摩尼為間飾

周迴欄楯悉寶成

蓮華珠網如雲布

摩尼寶樹列成行

華藥敷榮光赫奕

種種樂音恒競奏

佛神通力令如是

種種妙寶芬陀利

敷布莊嚴香水海

香燄光明無暫停

廣大圓滿皆充徧

明珠寶幢恒熾盛

妙衣垂布為嚴飾

摩尼鈴網演法音

令其聞者趣佛智

妙寶蓮華作城郭

衆彩摩尼所嚴瑩

眞珠雲影布四隅

如是莊嚴香水海

垣墻繚繞皆周帀

樓閣相望布其上

無量光明恒熾然

種種莊嚴清淨海

毗盧遮那於往昔

種種刹海皆嚴淨

如是廣大無有邊

悉是如來自在力

尔時普賢菩薩復告大衆言諸佛子一一香

水海各有四天下微塵數香水河右旋圍繞

一切皆以金剛爲岸淨光摩尼以爲嚴飾常

現諸佛寶色光雲及諸衆生所有言音其河

所有漩漚之處一切諸佛所修因行種種形

相皆從中出摩尼爲網衆寶鈴鐸諸世界海



所有莊嚴悉於中現摩尼寶雲以覆其上其  
雲普現華藏世界毗盧遮那十方化佛及一  
切佛神通之事復出妙音稱揚三世佛菩薩  
名其香水中常出一切寶燄光雲相續不絕  
苦廣說者一一河各有世界海微塵數莊嚴  
尔時普賢菩薩欲重宣其義承佛神力觀察

十方而說頌言

清淨香流滿大河

金剛妙寶爲其岸

寶末爲輪布其地

種種嚴飾皆瓊好

寶階行列妙莊嚴

欄楯周迴悉殊麗

眞珠爲藏衆華飾

種種纓鬘共垂下

香水寶光清淨色

恒吐摩尼競疾流



衆華隨浪皆搖動  
細末拊檀作泥塗  
香藏氤氳布在中  
河中出生諸妙寶  
其光布影成臺座  
摩尼王中現佛身  
以此爲輪嚴飾地  
摩尼爲網金爲鐸  
克宣一切菩提道  
寶岸摩尼極清淨  
一切諸佛曩所行  
其河所有漩流處

悉奏樂音宣妙法  
一切妙寶同泗漚  
發燄流芬普周徧  
悉放光明色熾然  
華蓋珠瓔皆具足  
光明普照十方刹  
香水映徹常盈滿  
徧覆香河演佛音  
及以普賢之妙行  
恒出如來本願音  
其音普演皆令見  
菩薩如雲常踊出

悉往廣大剎土中

乃至法界咸充滿

清淨珠王布若雲

一切香河悉彌覆

其珠等佛眉間相

炳然顯現諸佛影

尔時普賢菩薩復告大衆言諸佛子此諸香

水河兩間之地悉以妙寶種種莊嚴一一各

有四天下微塵數衆寶莊嚴芬陀利華周匝

徧滿各有四天下微塵數衆寶樹林次第行

列一一樹中恒出一切諸莊嚴雲摩尼寶王

照耀其間種種華香處處盈滿其樹復出微

妙音聲說諸如來一切劫中所修六願復散

種種摩尼寶王充徧其地所謂蓮華輪摩尼

寶王香焰光雲摩尼寶王種種嚴飾摩尼寶



王現不可思議莊嚴色摩尼寶王日光明衣  
藏摩尼寶王周徧十方普垂布光網雲摩尼  
寶王現一切諸佛神變摩尼寶王現一切衆  
生業報海摩尼寶王如是等有世界海微塵  
數其香水河兩間之地一一悉具如是莊嚴  
今時普賢菩薩欲重宣其義承佛神力觀察

十方而說頌言

其地平坦極清淨  
諸樹行列蔭其中  
枝條妙寶所莊嚴  
摩尼爲果如雲布  
摩尼布地皆充滿

真金摩尼共嚴飾  
聳幹垂條華若雲  
華燄成輪光四照  
普使十方常現觀  
衆華寶末共莊嚴

復以摩尼作宮殿

悉現衆生諸影像

諸佛影像摩尼王

普散其地靡不周

如是赫奕徧十方

一一塵中咸見佛

妙寶莊嚴善分布

眞珠燈網相間錯

處處悉有摩尼輪

一一皆現佛神通

衆寶莊嚴放大光

光中普現諸化佛

一周行靡不徧

悉以十力廣開演

摩尼妙寶芬陀利

一切水中咸徧滿

其華種種各不同

悉現光明無盡歇

三世所有諸莊嚴

摩尼果中皆顯現

體性無生不可取

此是如來自在力

此地一切莊嚴中

悉現如來廣大身



彼亦不來亦不去 佛昔願力皆令見

此地一一微塵中 一切佛子修行道

各見所記當來刹 隨其意樂悉清淨

尔時普賢菩薩復告大衆言諸佛子諸佛世  
尊世界海莊嚴不可思議何以故諸佛子此  
華藏莊嚴世界海一切境界一一皆以世界  
海微塵數清淨功德之所莊嚴尔時普賢菩  
薩欲重宣其義承佛神力觀察十方而說頌  
言

此刹海中一切處 悉以衆寶爲嚴飾

發燄騰空布若雲 光明洞徹常彌覆

摩尼吐雲無有盡 十方佛影於中現

神通變化靡暫停

卷八

一切菩薩咸來集

一切摩尼演佛音

其音美妙不思議

毗盧遮那昔所行

於此寶內恒聞見

清淨光明徧照尊

莊嚴具中皆現影

變化分身衆圍繞

一切剎海咸周徧

所有化佛皆如幻

求其來處不可得

以佛境界威神力

一切剎中如是現

如來自在神通事

悉徧十方諸國土

以此剎海淨莊嚴

一切皆於寶中見

十方所有諸變化

一切皆如鏡中像

但由如來昔所行

神通願力而出生

若有能修普賢行

入於菩薩勝智海



能於一切微塵中 普現其身淨衆刹  
不可思議億大劫 親近一切諸如來  
如其一切之所行 一刹那中悉能現  
諸佛國土如虛空 無等無生無有相  
爲利衆生普嚴淨 本願力故住其中  
尔時普賢菩薩復告大衆言諸佛子此中有

何等世界住我今當說諸佛子此不可說佛  
刹微塵數香水海中有不可說佛刹微塵數  
世界種安住一一世界種復有不可說佛刹  
微塵數世界諸佛子彼諸世界種於世界海  
中各各依住各各形狀各各體性各各方所  
各各趣入各各莊嚴各各分齊各各行列各

各無差別各各力加持諸佛子此世界種或有依大蓮華海住或有依無邊色寶華海住或有依一切真珠寶藏瓔珞海住或有依香水海住或有依一切華海住或有依摩尼寶網海住或有依漩流光海住或有依菩薩寶莊嚴冠海住或有依種種衆生身海住或有依一切佛音聲摩尼王海住如是等若廣說者有世界海微塵數諸佛子彼一切世界種或有作須彌山形或作江河形或作迴轉形或作漩流形或作輪輞形或作壇墀形或作樹林形或作樓閣形或作山幢形或作普方形或作胎藏形或作蓮華形或作佉勒迦形



或作衆生身形或作雲形或作諸佛相好形  
或作圓滿光明形或作種種珠網形或作一  
切門闥形或作諸莊嚴具形如是等若廣說  
者有世界海微塵數諸佛子彼一切世界種  
或有以十方摩尼雲爲體或有以衆色燄爲  
體或有以諸光明爲體或有以寶香燄爲體  
或有以一切寶莊嚴多羅華爲體或有以菩  
薩影像爲體或有以諸佛光明爲體或有以  
佛色相爲體或有以一寶光爲體或有以衆  
寶光爲體或有以一切衆生福德海音聲爲  
體或有以一切衆生諸業海音聲爲體或有  
以一切佛境界清淨音聲爲體或有以一切

菩薩大願海音聲爲體或有以一切佛方便  
立音聲爲體或有以一切刹莊嚴具成壞音聲爲  
體或有以無邊佛音聲爲體或有以一切佛  
變化音聲爲體或有以一切衆生善音聲爲  
體或有以一切佛功德海清淨音聲爲體如  
是等若廣說者有世界海微塵數小時普賢  
菩薩欲重宣其義承佛神力觀察十方而說  
頌言

刹種堅固妙莊嚴

廣大清淨光明藏

依止蓮華寶海住

或有住於香海等

須彌城樹壇墀形

一切刹種徧十方

種種莊嚴形相別

各各布列而安住



或有體是淨光明  
或有刹種燄所成  
燈雲燄彩光明等  
或有言音以為體  
或是願力所出音  
一切衆生大福業  
刹種一一差別門  
如是十方皆徧滿  
十方所有廣大刹  
雖見十方普入中  
以一刹種入一切  
體相如本無差別

或是華藏及寶雲  
安住摩尼不壞藏  
種種無邊清淨色  
是佛所演不思議  
神變音聲為體性  
佛功德音亦如是  
不可思議無有盡  
廣大莊嚴現神力  
悉來入此世界種  
而實無來無所入  
一切入一亦無餘  
無等無量悉周徧

一切國土微塵中

普見如來在其所

願海言音若雷震

一切衆生悉調伏

佛身周徧一切刹

無數菩薩亦充滿

如來自在無等倫

普化一切諸含識

尔時普賢菩薩復告大衆言諸佛子此不可說佛刹微塵數香水海在華藏莊嚴世界海

中如天帝網分布而住諸佛子此最中央香水海名無邊妙華光以現一切菩薩形摩尼王幢爲底出大蓮華名一切香摩尼王莊嚴有世界種而住其上名普照十方熾然寶光明以一切莊嚴具爲體有不可說佛刹微塵數世界於中布列其最下方有世界名最勝



光徧照以一切金剛莊嚴光耀輪為際依眾  
 寶摩尼華而住其狀猶如摩尼寶形一切寶  
 華莊嚴雲彌覆其上佛刹微塵數世界周而  
 圍繞種種安住種種莊嚴佛号淨眼離垢燈  
 此上過佛刹微塵數世界有世界各種種種香  
 蓮華妙莊嚴以一切莊嚴具為際依寶蓮華  
 網而住其狀猶如師子之座一切寶色珠帳  
 雲彌覆其上二佛刹微塵數世界周而圍繞  
 佛号師子光勝照此上過佛刹微塵數世界  
 有世界名一切寶莊嚴普照光以香風輪為  
 際依種種寶華瓔珞住其形八隅妙光摩尼  
 日輪雲而覆其上三佛刹微塵數世界周而

圍繞佛号淨光智勝幢此上過佛刹微塵數  
世界有世界各種種光明華莊嚴以一切寶  
王爲際依衆色金剛尸羅幢海住其狀猶如  
摩尼蓮華以金剛摩尼寶光雲而覆其上四  
佛刹微塵數世界周而圍繞純一清淨佛号  
金剛光明無量精進力善出現此上過佛刹  
微塵數世界有世界名普放妙華光以一切  
寶鈴莊嚴網爲際依一切樹林莊嚴寶輪網海  
住其形普方而多有隅角梵音摩尼王雲以  
覆其上五佛刹微塵數世界周而圍繞佛号  
香光喜力海此上過佛刹微塵數世界有世  
界名淨妙光明以寶王莊嚴幢爲際依金剛



宮殿海住其形四方摩尼輪髻帳雲而覆其上六佛刹微塵數世界周帀圍繞佛号普光自在幢此上過佛刹微塵數世界有世界名衆華焰莊嚴以種種華莊嚴爲際依一切寶色焰海住其狀猶如樓閣之形一切寶色衣真珠欄楯雲而覆其上七佛刹微塵數世界周帀圍繞純一清淨佛号歡喜海功德名稱自在光此上過佛刹微塵數世界有世界名出生威力地以出一切聲摩尼王莊嚴爲際依種種寶色蓮華座虛空海住其狀猶如因陀羅網以無邊色華網雲而覆其上八佛刹微塵數世界周帀圍繞佛号廣大名稱智海

幢此上過佛刹微塵數世界有世界名出妙  
音聲以心王摩尼莊嚴輪為際依恒出一切  
妙音聲莊嚴雲摩尼王海住其狀猶如梵天  
身形無量寶莊嚴師子座雲而覆其上九佛  
刹微塵數世界周而圍繞佛号清淨月光明  
相無能摧伏此上過佛刹微塵數世界有世  
界名金剛幢以無邊莊嚴真珠藏寶瓔珞為  
際依一切莊嚴寶師子座摩尼海住其狀周  
圓十須彌山微塵數一切香摩尼華須彌雲  
彌覆其上十佛刹微塵數世界周而圍繞純  
一清淨佛号一切法海最勝王此上過佛刹  
微塵數世界有世界名恒出現帝青寶光明



以極堅牢不可壞金剛莊嚴為際依種種殊  
異華海住其狀猶如半月之形諸天寶帳雲  
而覆其上十一佛刹微塵數世界周而圍繞  
佛号無量功德法此上過佛刹微塵數世界  
有世界名光明照耀以普光莊嚴為際依華  
旋香水海住狀如華旋種種衣雲而覆其上  
十二佛刹微塵數世界周而圍繞佛号超釋  
梵此上過佛刹微塵數世界至此世界名娑  
婆以金剛莊嚴為際依種種色風輪所持蓮  
華網住狀如虛空以普圓滿天宮殿莊嚴虛  
空雲而覆其上十三佛刹微塵數世界周而圍  
繞其佛即是毗盧遮那如來世尊此上過佛

刹微塵數世界有世界名寂靜離塵光以一  
切寶莊嚴爲際依種種寶衣海住其狀猶如  
執金剛形無邊色金剛雲而覆其上十四佛  
刹微塵數世界周而圍繞佛号徧法界勝音  
此上過佛刹微塵數世界有世界名衆妙光  
明燈以一切莊嚴帳爲際依蓮華網海住其  
狀猶如卍字之形摩尼樹香水海雲而覆其  
上十五佛刹微塵數世界周而圍繞純一清  
淨佛号不可摧伏力普照幢此上過佛刹微  
塵數世界有世界名清淨光徧照以無盡寶  
雲摩尼王爲際依種種香燄蓮華海住其狀  
猶如龜甲之形圓光摩尼輪栴檀雲而覆其



上十六佛刹微塵數世界周而圍繞佛号清  
淨日功德眼此上過佛刹微塵數世界有世  
界名寶莊嚴藏以一切衆生形摩尼王爲際  
依光明藏摩尼王海住其形八隅以一切輪  
圍山寶莊嚴華樹網而覆其上十七佛刹微  
塵數世界周而圍繞佛号無礙智光明徧照  
十方此上過佛刹微塵數世界有世界名離  
塵以一切殊妙相莊嚴爲際依衆妙華師子  
座海住狀如珠瓔以一切寶香摩尼王圓光  
雲而覆其上十八佛刹微塵數世界周而圍  
繞純一清淨佛号無量方便最勝幢此上過  
佛刹微塵數世界有世界名清淨光普照以

出無盡寶雲摩尼王爲際依無量色香燄須  
彌山海住其狀猶如寶華旋布以無邊色光  
明摩尼王帝青雲而覆其上十九佛刹微塵  
數世界周而圍繞佛号普照法界虛空光此  
上過佛刹微塵數世界有世界名妙寶燄以  
普光明日月寶爲際依一切諸天形摩尼王  
海住其狀猶如寶莊嚴具以一切寶衣幢雲  
及摩尼燈藏網而覆其上二十佛刹微塵數  
世界周而圍繞純一清淨佛号福德相光明  
諸佛子此徧照十方熾然寶光明世界種有  
如是等不可說佛刹微塵數廣大世界各各  
所依住各各形狀各各體性各各方面各各



趣入各各莊嚴各各分齊各各行列各各無  
差別各各力加持周而圍繞所謂十佛刹微  
塵數迴轉形世界十佛刹微塵數江河形世  
界十佛刹微塵數旋流形世界十佛刹微塵  
數輪輞形世界十佛刹微塵數壇墀形世界  
十佛刹微塵數樹林形世界十佛刹微塵數  
樓觀形世界十佛刹微塵數尸羅幢形世界  
十佛刹微塵數普方形世界十佛刹微塵數  
胎藏形世界十佛刹微塵數蓮華形世界十  
佛刹微塵數佉勒迦形世界十佛刹微塵數  
種種衆生形世界十佛於微塵數佛相形世  
界十佛刹微塵數圓光形世界十佛刹微塵

數雲形世界十佛刹微塵數網形世界十佛  
刹微塵數門闍形世界如是等有不可說佛  
刹微塵數此一世界各有十佛刹微塵數  
廣大世界周而圍繞此諸世界一一復有如  
上所說微塵數世界而為眷屬如是所說一  
切世界皆在此無邊妙華光香水海及圍繞

此海香水河中

十五末

大方廣佛華嚴經卷第八

拱八

清淨奉佛弟子陸應壇授持

涸復

上戶恢  
下音伏

埠

常演

蕊

如水


暫

歲濫

淳

笛令





卷9

